

SUID-AFRIKAANSE RADIOLIGA

SARLNUUS SONDAG 26 JANUARIE 2003

U luister na amateurradiostasie ZS6SRL van die Suid-Afrikaanse Radioliga, die nasionale vereniging vir amateurradio in Suid-Afrika, met 'n nuusbuletin wat elke Sondag om 08:15 Sentraal Afrika Tyd (SAT) in Afrikaans en om 08:30 SAT in Engels uitgesaai word.

Hierdie bulletin is ook op die webwerf van die SARL by www.sarl.org.za en op pakketbulletinborde beskikbaar.

STIL SLEUTEL

Dit is met leedwese dat ons die ontydige dood van Harrigan Walpole, ZS5CBW, seun van Brian Walpole ZS5BOJ en sy moeder Dawn ZS5BPG moet aankondig. Harrigan is in 'n fratsmotorongeluk in London Engeland op Saterdag 11 Januarie oorlede. Aan Harrigan se vrou Heidi, sy ouers Brian, Dawn en sy suster Samantha, ander familie en vriende ons innige meegevoel.

POUSE

In die nuus vandag:

AUSTRALIAANSE AMATEURS INGESPAN OM TE HELP MET VELDBRANDE

“LOGBOEK VAN DIE WêRELD” BEREIK TOETSSTADIUM

AMATEURRADIOKLUBS BIED RAE-KURSUSSE AAN

DATUMS OM TE ONTHOU

Bly ingeskakel vir meer besonderhede hieroor en ander nuusitems.

Besoek ook die SARL-webblad of skakel die SARL-kantoor wat vanaf 09:00 tot 13:00 op woensdae oop is by telefoon 011 675-2393 vir inligting oor hoe om by die SARL aan te sluit, boekverkope en alle verwante amateurradio-aangeleenthede.

Die SARLnuusdiens nooi klubs en individue om nuus aangaande amateurradio aan news@sarl.org.za nie later as die Donderdag wat die bulletin vooraf gaan, in te stuur. Indien moontlik stuur dit asb in Afrikaans sowel as Engels.

U luister na ZS6SRL.

Die nuus volg in besonderhede:

AUSTRALIESE AMATEURS INGESPAN OM TE HELP MET VELDBRANDE

'n Reeks veldbrande het in beboste gebied in noord-wes Victoria (VK3) uitgebreek en word reeds vir agttien dae met letterlik honderde brandslaners wat die brande probeer blus.

Vir die afgelope week het vrywillige amateurs bygestaan deur boodskappe te herlei vir die plaaslike nooddienste.

Met uiterste toestande wat verwag word oor die lang naweek waarin Australiëdag gevier word, bestaan 'n dringende nood dat vrywillige amateurs hulle kennis sal gebruik om die nodige radioverkeer te hanteer.

Honderde vuurslaners veg verwoed voort in digte rook en versengende hitte met hulle uitsig beperk, om die brande te blus.

Met geen einde in sig nie, het baie inwoners in heelparty dorpe reeds hulle tuistes ontruim.

Die nooddienste van die Wireless Institute of Australia, WICEN (Wireless Institute Civic Emergency Network) het radioamateurs op diens in drie sentra nl Mt Beauty, Corryong en Ovens. Hulle bedryf radios en hanteer noodverkeer.

WIA Victoria se President, Jim Linton, VK3PC, sê die bosbrandbestrydingsagentskap, die Departement van Volhoudendheid en Omgewing, het 'n oproep op WICEN gedoen om diens te lewer deur operateurs te verskaf om die Sentrum se radios te beman en sodoende broodnodige personeel vry te laat om die brande te beveg.

WICEN se Provinsiale Koördineerder, John Kerr, VK3BAF, te Mt Beauty berig dat die vrywillige amateurs soms soveel as 12 tot 14 uur skofte moes werk.

Hy sê voorts dat die WICEN-lede goed inpas by die personeel van die nooddienste en hulle kloekmoedige poging word ten seerste waardeur.

In die tussentyd het WICEN 'n lys opgetrek van vrywilligers wat gedurende die komende langnaweek die bestaande skofte kan vervang asook vir hulpverlening op ander plekke in Victoria.

Die volgende verslag word hierdie naweek op die WIA webtuiste gepos by www.wiavic.org.au.

“LOGBOEK VAN DIE WêRELD” BEREIK TOETSSTADIUM

Volgens die ARRL-nuus het die lang verwagte “Logboek van die Wêreld” of “Logbook of the World” (afgekort LoTW) - die ARRL se veilige elektroniese kontakverifikasiesisteem hierdie maand 'n groot sprong nader aan publieke vrys-telling geneem met verskeie weke van beperkte - of “alpha-toetsing”. Dosyne radioamateurs het 'n voorlopige uitgawe van die LoTW-sagteware, wat steeds ontwikkel word, nagegaan. Wanneer dit gereed is sal LoTW 'n middel daarstel vir deelnemers om te kwalifiseer vir sertifikate soos DXCC of WAS sonder om eers vooraf werklike QSL-kaarte te versamel.

Deur middel van e-poskoppelings het die LoTW-toetsers twee weke spandeer om hul roepseine te registreer, logs op te laai en probeer om die stelsel tot uiterstes toe te dryf. Een toetsers was verstom oor sy robuustheid nadat hy die volledige log van 'n stasie van ongeveer 320 000 QSO's ingelaai het. Hy het gesê dat hy

hierdie blok gestuur het met die verwagting dat die sisteem sal laat kraak maar dit het nie gebeur nie.

Projekleier Wayne Mills, N7NG, sê LoTW sal nie die einde van QSL-kaarte beteken nie. Dit sal inteendeel 'n vinniger en akkurater manier manier daarstel vir amateurs wat sertifikate najaag en ook sekere moontlikhede vir menslike foute uitskakel wat met die tradisionele proses kan gebeur.

Anders as elektroniese QSL-stelsels wat nou in gebruik is, is LoTW nie opgestel om QSL-kaarte via die Internet uit te ruil nie. Die hoofidee is dat die ARRL 'n betroubare log databasis in stand sal hou wat deurlopend deur Dxers, mededingers, DXpedisies en duisende individuele amateurs opgedateer sal word.

Dit word verwag dat betatoetsing van LoTW vir die algemene amateurradiopublik binnekort sal begin. Die ARRL het nie 'n spesifieke datum vir die ingebruikneming van die stelsel aangekondig nie.

Dit is verseker dat die ywerige Dxers die implementering van die stelsel angstig afwag.

AMATEURRADIOKLUBS BIED RAE-KURSUSSE AAN

Die Sandton Amateurradioklub sal weer 'n RAE-kursus aanbied vir die komende eksamen.

Die kursus begin op Woensdag 5 Februarie.

Lesings word elke Woensdagaand aangebied by die Nasionale AmateurRadioSentrum, Radiokop.

Vir verdere inligting, kontak Graham ZS6GJH by 082 441 6989 of stuur e-pos aan zs6gjh@icon.co.za.

Die Magalies Radioamateurklub sal 'n kursus dmv Afrikaans in Pretoria begin op Saterdag 8 Februarie om 14:00 in hul klubhuis op die hoek van Breyerlaan en Millstraat, Waverley, Pretoria. Voornemende studente kan vir Marten, ZS6ZY, by tel 012 332 2104 of vir George, ZS6NE, by tel 012 664 4155 vir meer inligting kontak.

SARL HF VELDDAG

Die eerste been van die SARL HF velddag sal plaasvind oor die naweek van 8 en 9 Februarie 2003. Die reëls is aangepas sover dit die opstel van die veldstasie en kraglewering vermenigvuldigers betref en bonus punte sal nou toegeken word. Die reëls verskyn in die nuwe kompetisie boek wat beskikbaar is op die SARL se webtuiste binne die komende week as dit nie reeds daar is nie.

SARL KINDERDAGAKTIWITEITE

Moenie die SARL Kinderdag vergeet wat plaasvind op Saterdag 8 Februarie nie. Neem asseblief kennis van die nuwe datum.

NUWE ADRES VIR NUUSITEMS

Die gebruik van die Hotmailadres vir sarlnuus word nou gestaak. Nuusitems moet in die vervolg slegs aan news@sarl.org.za gestuur word.

Hierdie bulletin is saamgestel deur Martin, ZS6ABU, en gelees deur vanuit as 'n diens aan radioamateurs, kortgolfluisteraars en elektronikaentoesiaste.

Die SARL nooi u ook om Sondae om 10:00 na Amateur Radio Mirror International op 21560, 9750 en 7082 kHz en 145,625 MHz in die Oos Londen-, 145,650 in die Durban- en 145,750 MHz in die Pretoriagebied te luister. 'n Heruitsending kan Maandagaande om 20:00 SAT op 3215 kHz gehoor word. ARMI word deur Telkom en Sentechn geborg.

Onthou om vandag Sondag 26 Januarie aan te sluit by die President van die SARL se eerste net vir vanjaar wat om 12:00 op 7082 kHz op die lug sal wees. Die volgende net sal op Sondag 23 Februarie gehou word.

U het geluister na ZS6SRL, dankie dat u by ons aangesluit het. Baie dankie aan diegene wat items vir die bulletins verskaf en aan al die amateurs wat so gereëld die herleidings waarneem.

Hierdie Afrikaanse uitsending eindig nou en SARLNUUS wens u 'n aangename week toe.

Totsiens almal.

/EX